

INUIT ATAQATIGIIT INATSISARTUNI



UPA2022/076

04.05.2022

Mikivsus Thomassen

Inatsisartut aalajangiiffigisassaattut siunnersuut Naalakkersuisut peqquneqassasut nalunaarusiamik sanassasut, innuttaasut kærftimik suussusersineqarnikunut imaluunniit nappaat inuunermik ilorianartorsiortitsisinnaasumik peqaraanni aningaasatigut toqqissisimanissamik qanoq qulakkeerinniffigisinnaanerigut. Nalunaarusiaq nappaammik eqqugaasut aningaasatigut eqqugaanermi misigisimasaannik imaqassaaq aammattaaq nappaammik eqqugaasimasup ilaqutaasullu aningaasatigut ikiorserneqarnissaanik periarfissaasa maleruagassaanni aporfusut periarfissaasullu. Nalunaarusiaq UPA 2023 paalitsinnagu Inatsisartunut tunioranneqareersimassaaq.

(Inatsisartunut ilaasortaq Nivi Olsen, Demokraatit)

Saqqummiisumut qujarusuppunga, kalaallit nunaanni nappaammik kræftimik inuunermillu ilorianartorsiortsitisinnaasumik peqalersimagaanni soorunami inuttut tamanna erngumanermik malitseqartarpoq.

Apeqquteqarpassuit malitsigisaannik inuunerup ingerlarngani pigineqalertarput naak eqqissillutik katsorsartsinnerup ingerlanerani malitseqartussaavoq.

Ikiorserneqarsinnaaneq pillugu piffissami sivitsuuttumik sulinneqartarneq soorunami uggornartuuvoq naak takuneqarsinnaagaluartoq piaartumik ikiorsiisinnaanerit, tamannali pisimangikkaangat nappaammik eqqorneqartumut ilaqutaanullu kingunera ilungersunarsinnaasoq.

Soorunami ilaqutaasuulluni aamma sunniuteqarsinnaanera sakkortuumik kinguneqarsinnaavoq, allaat apeqquterpassuit naassaangitsut ilaqutariit

INUIT ATAQATIGIIT INATSISARTUNI



peqqinnartumik inuunissaannut sunniuteqarsinnaallutik, tamannalu
pitsaasumik sullissinertut taakkuupput aamma isiginiarneqartussat.

Kræftemik eqqorneqarsimagaanni nappaammillu allamik
ilorianartorsiortsitisinnaasumik nalaaqarsimagaanni, apeqqutit
arlariinngorsinnaanera qanoq iliornikkut pinaveersaarneqarsinnaanerat
eqqumaffigineqartariaqarnerannik imaqartumik siunnersuuteqartup
erseqqissarpaa tamallu peqqissaartumik suliarneqartariaqartoq isumaqarpunga.

Kiisalu nappaassuarmik eqqorneqarsimagaanni ilaquutaasuulluni piffisamik
annertuumik tiguisarnera miserratisaanngilaq ilaqutariissusermik
annertuumik allannguineramik malitseqartsitisarmat, allaat ulluinnarni atukkat
malitsigisaannik ineqarnikkut inuussutsissaqarniarnikkullu
sunniuteqarsinnaasoq ilisimalluarpara.

Kræftimut eqqugaasinnaaneq ukiulersortuunngilaq kinaassusersiortuunanilu,
taamaammat ilaquutaasut qanigisaasullu tassuuna aamma eqqorneqartartut
oqaatigerusuppara.

Kræftimik eqqorneqarsimagaanni ikiorserneqarsinnaaneq erseqqissumik
periarfissaqartariaqarnera pingaaruteqarluinnarpoq.

Taamatut oqaaseqarlunga Inuit Ataqatigiinniit siunnersuutigineqartoq
taparserparput ilaqutariinnermut peqqissutsimullu ataatsimiititaliamut
innersuullugu.